



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 3. An res per occultam compensationem accepta transeat Statim in
dominum accipientis, seu compensantis?

urn:nbn:de:hbz:466:1-41144

esse, non debetur poena, utpote quae absque culpa deberi non potest.

344 Ad 3. Q. Medina citt. q. 11.
inclinat in partem negativam, videlicet res per compensationem occultam acceptas non transire Statim in dominium accipientis, seu compensantis, eò quod antiquus dominus possit postea ejusmodi res extrahere de potestate cuiuscumque apud quem fuerint reportae, easque tanquam suas sibi vendicare.

Contrà verò Molina D. 691, in partem affirmativam propendet, cui ex parte favet Lugo l. c. Tum quia, cum compensatione illa licita sit & justa, atque à jure naturali permissa, eandem videtur vim in se, & in foro conscientiae habere, ac si publica auctoritate esset facta. Tum quia ubique apprehenditur rei possessio, quae vel domino caret, vel dominus non sit rationabiliter invitatus, nihil deesse videtur, quominus fiat accipientis, siquidem perinde est ad effectum evitandæ malitiae furti, dominum non esse rationabiliter invitum, ac si res domino careret: atqui quando Creditor non potest aliter suum debitum recuperare, non est, nec potest rationabiliter esse invitatus, si ille sibi provideat, & compenset

ex bonis debitoris; cum per hoc dominus rei solum cogatur solvere, quod debet, & postulat justitia: ergo nihil impedit, ne Creditor fiat verè dominus rei acceptæ. Quod

Conf. si dominium rei per compensationem acceptæ perseveraret penes eum, cuius res erat ante compensationem, tunc sequeretur, quod, si facta compensatione, res illa fortuitò, & sine culpa illius periret, qui eam accepisset in suam, non periret compensanti, sed ei, cuius antea erat, eò quod quando aliud jure non est Statutum, res periret domino, seu illi, cuius erat: atque adeò posset consequenter ille, qui rem illam in compensationem justam accepit, facere de novo aliam iterum compensationem, & suum debitum exigere, quod nullus admittet, inquit Molina, utpote opinio absurdum: Unde

Ad fundamentum à Medina adductum respondet Molin, debitorem non posse rem illam postea apud Creditorem inventam sibi vendicare, si ipsi constet compensationem factam fuisse cum debitis conditionibus, ut sit licita. Quare si ea res propria auctoritate postea recupe-

Bbb 2 rare-

raretur ab antiquo domino, vel ei per Judicis sententiam adjudicaretur, id fieret, quia præsumeretur facta esse illicitè, & injustè.

Sed expeditius, rectiusque responderi potest, dicendo, Creditorum per licitam occultam compensationem comparare sibi acceptæ rei dominium revocabile, & cum onere, ut quoties debitor vellet debitum suum solvere, posset rem ita acceptam recuperare, ut insinuat Lugo l. c. quia in tantum Creditor poterat rei acceptæ domi-

nium acquirere, in quantum debitor non erat rationabiliter invitus, ut dictum est; debitor autem, licet, dum non solvebat suum debitum, non posset rationabiliter repugnare compensationi, poterat tamen rationabiliter consentire cum hoc pacto, & onere; quia hoc modo & sibi consulebat, & suo Creditori: ergo non potuit Creditor aliter dominium acquirere, nisi cum eo onere, & pacto, quod jam tunc inclusum videbatur ex rationabili voluntate debitoris,



CA-

